

Партийн көдлмшин тускар семинар болв

КПСС-н Юстинск райком одахн эклц партийн организацсин сeгләтрмүд хурадж, зәрм партийн төрмүдәр нег өдрин семинар кев. Энүн деер партин зергләнд уга улс орлцтагъар партийн хург келгәнә дамшлт, эклц партийн организацд коммунистрин то-дигинь ягъдж кехин тускар күүндвр болв.

Семинарт орлцен сeгләтрмүд шунмгъа кевәр бийсднй бәәх дамшлтан, дуту-дундан илткдж келцхәв. „Раздольный“ совхозин эклц парторганизацсин сeгләтр үр Хөчиев, хург келгәнә тускар бәәх дамшлтан келв. Партийн биш улс орлцулдж совхозд партийн хург одахн шидр болснд, малд хот белдлгәнә туск төр тәвдж күүндгддж. Партийн биш улс оньган өгч эн төриг ямр кевәр күүцәхд кесг сүв-селвг өггдцхәв. Партийн зергләнд уга зоотехник үр Очкинадзе, өвс хуралгъар воскресник бүрдәхмн, көдлмшин хөөн көдлдг болхмн гидж селвг өгсинь хург таасдж батлв. Хург болсна маньгъдуртнй, амрлгәнә өдр өвс хуралгънд 20 күн гарч көдләд, 700 центнер өвс овалв. Цааранднй чигн тиигдж көдлцхәв.

Иим эдл-ахун туск төр партийн хургт тәвсн цагтан, пар-

тийн биш улс хургт бас орлцулдгин тускар „Полынный“ совхозин эклц парторганизацсин сeгләтр үр Шамбетов келв. Хург болхиг, терүн деер ямаран төр күүндгдхинь эдн урдаснй зарлад, хургт ирсн партийн биш улс, коммунистрлә әдлдән төрәр күүндвр кехд шунмгъа орлцлгъ теткдг чигн.

Семинарт цуглрсн сeгләтрмүд „Партийная жизнь“ журналд барлгдсн „Таслглад уга төр“ гисн И. Шульгина очеркин тускар бас күүндвр кецхәв. Эн очерк, партыд шинәс орцхасн улсла сәәнәр көдлмш кедж, тедниг сургъдж, политическ медрлинй өбдлүлхд чикәр парторганизацсин сeгләтрмүдин оньгинй тусхаджана гидж тедн таасцхав.

Района „Никольский“, „Ено-таевский“ болн „Полынный“ совхозмудин эклц парторганизацсд, кандидатин стажнй давдж одсн 8 күн бәәнә. Эдн ода күртл партин членд орлж чадх болад уга чигн, эднлә кедг сургъмджин көдлмш сулнй темдлгдв.

Партийн көдлмшин тускар ним семинар сар болгән ке-гдхлә зокалта болхмн гидж сeгләтрмүд санагъан келв.

А. УЛЮМДЖИЕВ,

КПСС-н Юстинск райкомин орг-отделин заведующ